



PROJEKAT „LOKALNE RAZVOJNE STRATEGIJE – EU4BUSINESS“

Javni poziv za dostavljanje prijedloga investicionih projekata za unapređenje prerađivačkih kapaciteta i marketinga poljoprivredno-prehrambenih proizvoda

Odgovori na postavljena pitanja u vezi javnog poziva koja su pristigla u periodu od 30. avgusta do 06. septembra 2019. godine na email adresu registry.ba@undp.org.

Redni broj	Pitanje	Odgovor
1.	<p>Poštovani, javljam se iz Livna BiH. Namjeravao sam da se prijavim za bespovratna sredstava u okviru mjere podrške investicijama u prerađivačke i prehrambenih proizvoda. Da li moram sam popunim prijavu ili ima neka stručna osoba? Moj plan je slijedeći: Imam mlin za pšenicu i proizvodnju brašna T-400, T-500, T-850 itd, jedini u Livanjskom kantonu koji sam odjavio zbog premalo posla i nemogućnosti daljnog rada. Zbog naših mušterija koji se sve manje bave sijanjem pšenice i dovozom u mlin na zamjenu za brašno, svi su prešli na kupovinu gotovog proizvoda KRUHA.</p> <p>U planu bih imao objekat u krugu mlina gdje imam i plac, ponovno oživljavanje mlina, kupovina domaćih pšenica od naših poljoprivrednika. Mljevenjem u svom mlinu dobio bih 100% domaće brašno, a u tom objektu planirana je pekara i proizvodnja 100% domaći kruh, slastičarstvo (torte i kolači).</p> <p>Ukoliko spadam u tu skupinu za pravo na dobijanje sredstava te ako ima tko zainteresiran da tu prijavu popunim točno da mi javite na e-mail?</p>	<p>Ovim javnim pozivom nije obuhvaćena prerada žitarica (proizvodnja brašna i proizvoda nastali iz brašna). Takođe vaša firma je odjavljena i kao takva ne ispunjava opće kriterije prihvatljivosti poziva.</p>

2.	<p>Vazi li Javni poziv za domaćinstvo koje se bavi poljoprivredom i uzgojem svinja te koje nije registrovano. Nosilac domaćinstva nije zaposlen, žena penzioner.</p>	<p>Podrška se odnosi na mjeru podrške investicijama u prerađivačke kapacitete i marketing poljoprivredno-prehrambenih proizvoda, a mogu se prijaviti obrti, preduzetnici, zadruge i preduzeća koja se bave primarnom proizvodnjom i registrovana zadnje tri godine u RG, a koja se žele baviti preradom kao i firme koje se već bave preradom poljoprivrednih proizvoda. Vi ne ispunjavate kriterije po ovom javnom pozivu.</p>
3.	<p>Pisem Vam povodom javnog poziva EU4Business te me zanimaju neki detalji. Imamo registrovano poljoprivredno gazdinstvo te smo do sada uzgajali maline, ali od ove godine smo odlučili da se bavimo uzgojem tovljene ribe te nas zanima da li sa tom idejom mozemo aplicirati na Vas javni poziv. Obzirom da poljoprivredno gazdinstvo nije registrovano kao pravno lice, da li bi nam to bila smetnja? UKoliko da, da li postoji mogucnost da te smetnje otklonimo kako bi aplicirali na javni poziv ?</p>	<p>Podsektor ribarstva odnosno proizvodnja i prerada ribe nije prihvatljiv pod-sektor prerade za finansiranje putem ovog javnog poziva.</p>
4.	<p>Zanima me konkretno Vas Javni poziv u dijelu prerade voca i povrca. Mi trenutno radimo i imamo manju liniju soka odnosno radimo hladno presani sok bez dodatka vode aditiva i secera. Trenutno radimo na povecanju obima poslovanja te zelimo da povecamo proizvodnju, a ujedno i prosirimo asortiman proizvodnjom dzemova i susenog voca. Imamo dosta novih proizvoda koji jos nisu dosli u fazu da se realizuju na trzistu te dosta inovacija i ideja.</p> <p>Mi trenutno imamo registrovano poljoprivredno gazdinstvo i ujedno se bavimo uzgojom plastenicke jagode i proizvodnjom kornisona. Da li mi mozemo aplicirati za vas projekat, i ako mozemo, koja je dokumentacija potrebna?</p>	<p>Pravila javnog poziva jasno definišu prihvatljive podnosiocce prijava. U tački 2.1. definisani su prihvatljivi podnosioci prijava (obrti, preduzetnici, zadruge i preduzeća koja se bave primarnom poljoprivrednom proizvodnjom zadnje tri godine i upisani su u registar gazdinstva, a planiraju da kroz ovaj javni poziv investirati u preradu poljoprivredno-prehrambenih proizvoda).</p> <p>Ako ste samo registrovani kao poljoprivredno gazdinstvo, a da niste jedno od gore navedenog, ne ispunjavete opće kriterije prihvatljivosti javnog poziva.</p>
5.	<p>Da li se moze proizvodnja trešnje i smilja uvrstiti u program Javnog poziva?</p>	<p>Vaša investicija se odnosi na primarnu poljoprivrednu proizvodnju te kao takva nije prihvatljiva za finansiranje putem ovog javnog poziva.</p>

<p>6.</p>	<p>Pitanje postavljam u ime para konsultanata (imena poznata UNDP-u), a u vezi EU4Business – Javnog poziva.</p> <p>Naime, poziv je objavljen 29. jula, a krajnji rok za podnošenje prijava je određen 27. septembar. S obzirom da je poziv objavljen u toku sezone godišnjih odmora i intenzivnih radova u poljoprivredi, interesovanje za podnošenje prijava od strane potencijalnih klijenata se javilo unazad nekoliko dana. S tim u vezi, da bismo mogli planirati naše vrijeme za pomoć pri izradi aplikacija interesuje nas da li postoji mogućnost da UNDP produži rok za podnošenje prijava npr. za 15 do 30 dana.</p> <p>Nadamo se da ćete razmotriti naše pitanje/prijedlog te da ćete blagovremeno objaviti produženje roka, npr. u narednih 5-7 dana. Ovome u prilog ide i dodatni krug informativnih sastanaka, kao i činjenica da bi u tom slučaju aplikacije i u kvantitativnom i u kvalitativnom pogledu bile bolje.</p>	<p>Ovim putem Vas obavještavamo da je krajnji rok za podnošenje prijava produžen za dvije sedmice odnosno do 09.10.2019.god. do 17:00 sati.</p> <p>Također ove obavijesti su objavljene na web stranicama www.ba.undp.org i www.eu4business.ba</p>
<p>7.</p>	<p>Hvala Vam na dosad datim odgovorima. Imam još jedno pitanje o kriterijima konkurentnosti. Naime, u svom prvom pitanju u vezi sa prihvatljivosti investicije koja se odnosi na postavljanja instalacije za parni kotao koji smo ranije nabavili (što nije bila jedina planirana aktivnost), naveli ste da investicija zadovoljava samo jedan poseban kriterij konkurentnosti, a tri ne zadovoljava radi čega nije prihvatljiva. To me je ponukalo da vas pitam trebaju li svi posebni kriteriji biti ispunjeni, na što sam dobio jasan odgovor. Naime, u našem projektu planiramo provesti nekoliko aktivnosti kako bi postigli zacrtane projektne ciljeve, a aktivnosti se odnose na nabavku nove opreme za modernizaciju postojeće proizvodnje, nabavku opreme za uvođenje novih proizvoda, sanaciju podova, zidova i plafona i instalaciju opreme radi stvaranja povoljnih mikroklimatskih uvjeta u proizvodnom pogonu, te nabavku i postavljanje opreme za skladištenje novih proizvoda.</p>	<p>Ispunjenost kriterija se posmatraju kao cjelina na nivou firme u vašem slučaju fabrike za preradu mlijeka. Prihvatljive investicije i troškovi su definisani u javnom pozivu u tački 2.8.1. Takođe sve investicije koje su nastale prije potpisivanja ugovora su neprihvatljive, a definisane su u tački 2.8.2. kao neprihvatljive investicije i troškovi.</p> <p>U skladu sa posebnim kriterijama navedeni u tački 2.7.2, tačno u podtački 2.7.2.1 kiteriji konkurentnosti: Podnosilac prijave treba ispuniti sljedeće posebne kriterije konkurentnosti:</p> <ul style="list-style-type: none"> • planirana investicija je ekonomski održiva i opravdana što se dokazuje kroz poslovni plan u zadatim formatima u prilogu 2. Smjernica za podnosiocje prijava (dokaz: popunjen opisni i tabelarni poslovni plan); • planirana investicija se odnosi na povećanje stepena prerade i/ili dodavanja vrijednosti poljoprivredno-prehrambenim proizvodima kroz uvođenje novih ili unapređenje postojećih prerađivačkih kapaciteta;

	<p>Kako bih imao potpunu sliku o postavljenim zahtjevima, molim vas za odgovor na slijedeće pitanje:</p> <p>Da li svaka pojedinačna aktivnost koju namjeravamo provesti treba ispunjavati sve posebne kriterije konkurentnosti ili se ti kriteriji primijenjuju na projekat u cjelosti, gdje će određena planirana aktivnost dovesti do realizacije jednog kriterija, a neka druga aktivnost do drugog ili trećeg, a realizacijom svih planiranih aktivnosti bi se postigli svi traženi kriteriji?</p>	<ul style="list-style-type: none"> • planirana investicija povećava stepen inovacije u poslovanju kroz uvođenje/unapređenje tehnološke opremljenosti, kao što je navedeno u prijavnom obrascu. <p>Napomena: sve predložene investicije moraju biti relevantne i neophodne za provedbu predložene investicije koja dovode do ispunjenje traženih kriterija konkurentnosti.</p>
<p>8.</p>	<p>Firma XX (ime poznato UNDP-u). je privredno društvo koje se bavi proizvodnjom i otkupom meda, prerađevina od meda, otkupom voća i preradom voća u voćne sokove i marmelade. Proizvodi od meda se plasiraju bilo kao med ili mješavine meda i voća ili kao poklon paketi različitih sadržaja. Pored toga, radimo miješanu marmeladu i med pakovanu u posebna pakovanja za ugostiteljstvo. Omjer prihoda koje ostvarujemo kao firma od gore navedenih proizvoda je negdje oko 50:50. Obzirom na iskazanu potražnju za proizvodima od voća planiramo proširenje kapaciteta za preradu voća kroz nabavku savremene linije za preradu i pakovanje voća i voćnih sokova. Analizirajući smjernice kao i prateće dokumente za pripremu projekta javile su se određene nedoumice tj da li kao firma možemo aplicirati na Javni poziv?</p> <p>Stoga smo odlučili da Vas konsultujemo prije nego pokrenemo pripremu projekta. Naglašavamo, firma smo koja se etablirala u sektoru meda, no u proizvodnom portfoliju imamo i preradu voća. Cjelokupna investicija bi bila u opremu i preradu voća.</p>	<p>U stavki 2.3.definirani su prihvatljivi podsektori za podršku. Ukupna investicija se mora odnositi na jedan prihvatljivi podsektor što je u vašem slučaju prerada voća. Vaša firma na osnovu navedenih iskaza u postavljenom pitanju može konkurisati na ovaj javni poziv ukoliko ispuni i ostale kriterije i uslove javnog poziva. Da vas napomemo da opravdavanje investicije mora biti isključivo iz prihoda i rashoda iz prihvatljivih podsektora prerade u skladu sa upustvom u tabelarnom poslovnom planu red 15 (kroz poslovni plan predložena investicija se može opravdati isključivo prihodima i rashodima iz poslovanja vezanih za preradu proizvoda iz prihvatljivog podsektora što je predmet prijave i ostalih prihvatljivih podsektora u skladu sa smjernicama javnog poziva.</p> <p>Prihodi i bilo koji finansijski rezultati iz trgovine i drugih neprihvatljivih podsektora ili privrednih aktivnosti se ne uzimaju u obzir prilikom izrade poslovnog plana za opravdanje investicije. Dakle, potrebno je razdvojiti prihvatljive prihode i rashode i ostale stavke od neprihvatljivih stavki prilikom izrade poslovnog plana.</p>
<p>9.</p>	<p>Mi smo firma koja se bavi otkupom i reciklalom plasticnih vrecica i najlona, te me zanima mozemo li mi aplicirati za ovaj projekat?</p>	<p>Ovaj javni poziv se isključivo odnosi na mjeru podrške investicijama u prerađivačke kapacitete i marketing poljoprivredno-prehrambenih proizvoda. Vaš projekat ne pripada ovoj grani privrede te nije prihvatljiv za finansiranje putem ovog javnog poziva.</p>

<p>10.</p>	<p>Zovem se XX (ime poznato UNDP-u) iz Stoca. Upisan sam u Registar poljoprivrednih gospodarstava FBiH od 27.02. 2018. godine, te se bavim poljoprivrednom proizvodnjom te prerađivačkom proizvodnjom poljoprivrednih proizvoda. Pitanje: Da li mogu konkurirati na Vaš javni poziv u dijelu prerada voća (konkrentno sušenje smokava), i to nabavom novog stroja za sušenje voća s ukupnom cijenom cca 5.000,00 KM?</p>	<p>Minimalni iznos podrške po jednoj prijavi iznosi 145.000 KM iznosa cijelog projekta što znači da minimalni iznos projekta ne može biti manji od 290.000 KM. Projekti koji budu manji od ovog iznosa neće biti uzeti u razmatranje.</p>
<p>11.</p>	<p>Vežano za natječaj EU4Business – Javni poziv, molimo Vas tumačenje vežano za podatke koji se unose u poslovni plan. Naime, tvrtka se bavi ratarstvom (uzgojem žitarica i uljarica), uzgojem lijeske i stočarstvom, a ulaganje će biti vežano uz preradu lješnjaka.</p> <p>Da li se svi podaci u excel poslovnom planu upisuju samo za lješnjak ili lješnjak i stočarstvo (kao prioritetni sektor) ili za sve sektore (podaci o zemljištu, zaposleni, plan prodaje, prihodi, amortizacija)?</p>	<p>U excel listu (3.2.struktura i obim proizvodnje) poslovnog plana, u tabelu 3.2.1. proizvodi od primarne proizvodnje, ako vaše preduzeće ima vlastitu primarnu proizvodnju, unosi se količina proizvoda koja se koristi kao sirovina u vašu preradu u ovom slučaju lješnjaka jer podsektor prerade lješnjaka je prihvatljiva aktivnost. Dakle, u vašem slučaju možete unijeti u pomenutu tabelu samo svježi lješnjak koji je proizvođen u vlastitim plantažama. Također, obzirom da se vaše preduzeće ne bavi preradom stočarskih proizvoda, ne možete unijeti informacije o primarnoj stočarskoj proizvodnji u pomenutu tabelu 3.2.1. Dodatno u tabelu 3.2.2 može se unijeti samo prerađeni proizvodi isključivo koji pripadaju prihvatljivim sektorima prerade što znači da dolazi u obzir samo proizvodi od lješnjaka. U listovima 4.1, 4.2, 4.4 Zaposleni i dinamika zaposljenja se unosi informacija o zaposlenim u podsektor prerade lješnjaka 6.2 Podaci o zemljištu i objektima se unese informacije u sađenim površinama lješnjakom ukoliko imate vlastite zasade i informacije o objektima za preradu lješnjaka 8.1 8.1. Plan prodaje se unose isključivo količine i vrijednosti prerađenih proizvoda lješnjaka prodaje treba da se odnosi na prerađeni proizvod.</p>
<p>12.</p>	<p>Da li je preduzeće sa širokim spektrom djelatnosti:</p> <ul style="list-style-type: none"> - proizvodnja (i primarna prerada) i prodaja ribe - iznajmljivanje prodajnog prostora primarnim poljoprivrednim proizvođačima (voće, povrće, mliječni proizvodi) - pijačni prostor - trgovina i ugostiteljstvo, 	<p>Na stranici broj 4. pravila javnog poziva jasno definišu prihvatljive podnosioc prejava. Stavka 2.1."Prihvatljivi podnosioci prejava (ko može podnijeti prejavu za dodjelu bespovratnih sredstava)" znači da preduzeća koja nemaju primarnu proizvodnju mlijeka i nisu zadnje tri godine upisane u registar poljoprivrednih</p>

	<p>koje namjerava investirati u kapacitete za preradu mlijeka (mini sirara) prihvatljivo za apliciranje na poziv?</p> <p>Namjera je kooperantski odnos sa primarnim (malim) poljoprivrednim proizvođačima podići na viši nivo, te preko standardizovane tehnologije prerade mlijeka omogućiti plasman proizvoda na već poznato (ugovoreno) tržište (hotel u velikom turističkom kompleksu). U trenutnim okolnostima, mliječni proizvodi pomenutih proizvođača iz više razloga nisu prihvatljivi za ciljano tržište.</p>	<p>gazdinstva, također se ne bave preradom mlijeka u količini od minimalno 1000 l dnevno, ne ispunjavaju opće kriterije prihvatljivosti podnosioca prijave.</p> <p>Iz vašeg navedenog u pitanju, vi ne ispunjavate uslove ovog javnog poziva.</p>
<p>13.</p>	<p>Pripremamo poslovni plan u skladu sa javnim pozivom potencijalnim korisnicima bespovratnih sredstava za mjere podrške investicijama u prerađivačke kapacitete i marketing poljoprivredno-prehrambenih proizvoda.</p> <p>Na osnovu projekcije bilansa uspjeha za 2019., te na osnovu očekivanih nabavki do kraja 2019. kao i na osnovu baznih podataka, formirali smo planirano stanje bilansa stanja na dan. 31.12.2019.</p> <p>Naše lokalno zakonodavstvo priznaje izradu novčanog toka ili tzv. indirektnom ili direktnom metodom što nam ne bi bio problem da tako uradimo novčani tok za 2019. Međutim, u poslovnom planu iz javnog poziva data je nešto drugačija forma novčanog toka koji ne možemo da sastavimo tako da kumulativni neto priliv odgovara poziciji „ novac na računu i blagajni“ u bilansu stanja 31.12.2019.g.</p> <p>Molimo vas da nam stavku po stavku pojasnite šta se unosi u pojedina polja novčanog toka. Opis stavki koji je dat u obrascu novčanog toka nije nam pomogao.</p>	<p>Prilog 2. tabelarni format poslovnog plana se koristi u cijlom našem regionu uključujući i Bosnu Hercegovinu, a isti je korišten i u prethodnom javnom pozivu. Forma poslovnog plana je osmišljena u skladu sa najboljim tržišnim praksama o korištenju EU bespovratnih sredstava u regiji i BiH. U prethodnom javnom pozivu za podršku primarnoj proizvodnji korišten je jednostavni format poslovnog plana koji je imao identičan novčani tok tako da priloženi format uz smjernice javnog poziva se ne može promijeniti. Podnosilac prijave mora slijediti zadani format i uputstva za popunjavanje poslovnog plana. Stavke u novačnom toku su jasne i formulama su povezane sa ostalim tabelama poslovnog plana.</p> <p>U prilivima 1. stavka "Ukupni prihodi bez podrške od EU4Business" predstavlja sve prihode prikazani u tabeli ukupnih prihoda bez iznosa sredstava koji se traži od projekta u prijavi, a povezana sa prihodima u tabeli bilans uspjeha koji su također povezani sa tabelom ukupnih prihoda. U prilivima 2. stavka "Izvori finansiranje" predstavlja zbir vlasititih sredstva i kredita (ako se namjerava uzimati). To su sredstva potrebna za finansiranje investicije i vlastita sredstva i kredit koji su povezani formulama sa tabelom Izvori finansiranja.</p> <p>U prilivima 3. stavka "Ostatak projekta" se sastoji od stalna imovina i obrtna imovina, a to je ostatak neamortizovanih stalnih sredstava i ostataka obrtnih sredstva ukoliko ostaje. To se uknjiži u zadnjoj godini vijeka trajanja projekta.</p> <p>U prilivima 4. stavka "EU4Business podrške" iznos bespovratnih sredstava koji se traži putem prijave</p>

		<p>na javni poziv i ova stavka povezana je sa tabelom strukura ulaganja.</p> <p>U odlivima 1. stavka "Ulaganje u stalna imovina" predstavlja iznos planirane investicije u stalna sredstva koja su predmet ovog javnog poziva (oprema, mašina, objekti itd).</p> <p>U odlivima 2. stavka "Ulaganje u obrtnu imovinu" predstavlja obrtna sredstva potrebna za investiciju koja su predmet ovog javnog poziva. Obje stavke povezane su formulama sa tabelom dinamika i struktura ulaganja.</p> <p>U odlivima 3. stavka "Materijalni i nematerijalni troškovi" predstavlja troškove neohodne za pokretanje poslovanja, a stavka je formulom povezana sa ukupnim materijalnim i nematerijalnim troškovima prikazanim u tabeli materijalni inputi i materijalni troškovi.</p> <p>U odlivima 4. stavka "Troškovi osoblja" su troškove bruto plate za stalne zaposlenike i prevremene radnike, a stavka je povezana formulom sa tabelom projekcija zaposlenih.</p> <p>U odlivima 5. stavka "porez na dobiti" predstavlja porez koji obračunat na dobit u projekciju bilans uspjeha i stavka povezana formulom sa tabelom bilans uspjeha.</p> <p>U odlivima 6. stavka "anuitet kredita" su troškovi glavnica i kamata kredita ako već postoji ili se namjerava uzimati kredit za finansiranje investicije, a mogu se ubrajati i drugi financijski troškovi kao što su troškovi bankovne garnacije ukoliko podnosilac prijave odluči za avansno plaćanje uz priloženje bankovne garancije. Neto priliv je razlika između priliva i odliva i na kraju imamo kumulativni priliv. Prilikom pripreme poslovnog plana treba početi od strukture i dinamike proizvodnje, dalje materijalni input i materijalni troškovi i tako nastaviti do kraja. U Vašem slučaju treba prvo obračunati projektovani kumulativni priliv za 2019. godinu i onda uknjžiti u stavku Novac na računu i blagajni za projektovanu godinu 2019. a svakakao su povezani formulom sto znači da se račun kumulativni prilivi u novčanom toku automatski upišu u bilans stanju na stavki Novac na računu i blagajni.</p> <p>Za 2018 potrebno je iznos prepisati iz vašeg bilansa iz 2018.godine.</p>
--	--	---

<p>14.</p>	<p>Želimo vas da obavijestimo da smo riješili problem formiranja tabele novčanog toka. Međutim, zbog kreiranja drugih tabela ipak nam treba konsultant pa vas molimo da nas uputite kako i kome da se obratimo da dobijemo pomoć zvaničnog konsultanta sa vaše liste prihvatljivih konsultanata. Bavimo se preradom mlijeka i proizvodnjom raznih proizvoda od mlijeka.</p> <p>Također koristimo priliku da postavimo pitanje vezano za listu prihvatljivih investicija vezano za sektor prerade mlijeka.</p> <p>Naime, planiramo da u projekat vaše podrške između ostalog (inače smo planirali još i nabavku mašina za pakovanja) uvrstimo i izgradnju objekta za tretman otpadnih voda, upravljanje otpadom i prevencija zagađenja okoliša. U istom objektu, samo odvojen prostor, smjestili bismo i kotlovnice na plin. Trenutno, toplu vodu za potrebe proizvodnje snabdijevamo putem kotlovnice na drva, a zbog sve većih problema u snabdijevanju drva želimo da smanjimo rizik istalisanjem kotlovnice na plin.</p> <p>Zbog obima planirane investicije za navedene objekte, nismo sada u prvoj fazi planirali i nabavku opreme za prečišćavanje niti same kotlovnice na plin. To planiramo uraditi krajem 2020.g ili početkom 2021.g i to ćemo finansirati iz vlastitih sredstava te najverovatnije da ćemo tražiti podršku od Fonda za okoliš. Dakle, u prvoj fazi vezano za ovaj dio ulaganja riječ je smo o objektu u koji će se u drugoj fazi smjestiti oprema za prečišćavanje i kotlovnica na plin.</p>	<p>Nažalost, ne možemo Vam preporučiti pojedinačnog konsultanta obzirom da nije u skladu sa našim procedurama i praksom. Međutim, možemo Vas uputiti na listu konsultanta i svjetodavaca koji su pohađali radionice o izradi poslovnih planova koje je projekat organizirao. Lista konsultanata sa kontaktima se nalazi na našim internet stranicama www.eu4business.ba ili www.ba.undp.org. te ih možete dalje kontaktirati.</p> <p>U skladu sa posebnim kriterijama konkurentnosti u poglavlju 2.7.2.1. planirana investicija mora ispuniti prva tri kriterija odnosno ekonomska opravdanost, doprinos povećanju stepena inovacije i dodatne vrijednosti. Četvrti kriteriji mora se ispuniti jedino ako investicija se odnosi na postrojenje za proizvodnju energije iz obnovljivih izvora što znači da Vaša investicija kao cijelina mora ispuniti gore navedene kriterije. Investicija u mašinu za pakovanje je prihvatljiva, a izgradnja samih objekta bez opreme (oprema za prečišćavanje i kotlovnice) ne mogu biti prihvatljiva investicija.</p> <p>Međutim, kako ste naveli da planirate ove investicije u 2020. godini iz vlastitih sredstava, preporučujemo da ih prijavite na ovaj javni poziv jer zadati rok trajanja investicije je godinu dana od datuma potpisivanja ugovora koji objektivno neće biti ranije od januara 2020. godine. Dakle, možete prijaviti u cijelini investiciju koja obuhvata mašinu za pakovanje, izgradnju objekata i opremu za prečišćavanje i kotlovnica na plin.</p>
------------	--	--